



松筠小草第七卷目錄

幻花八咏

賦得西樓望月幾回圓



擬游金山散步 御製韻

虬江秋泛 薄命四首

卧病 閏七夕

前題次秉兄韻 春夜寄懷陸氏姊

鳳阿叔貽詩索和 虎丘次韻

題鳳阿山房圖次韻 松柏竹

懷淑仙 寄懷太原淑媛

堯峯

登崑山

滄浪亭

挽鳳阿叔

寄懷天水氏淑仙

有感

白牡丹次韻

赴孫表孀喜席

有感

賦得櫓搖背指菊花開

先慈見背以來肝摧腸裂無時不血淚滋滋輒

成蕪詞七首

丁酉三月葬親吳郡貞山之麓淚餘賦此

遣懷

贈別孫氏姊隨任秦中

清明掃墓

孀母吳孺人八十

開箱

已亥清明掃墓

三月三日達墓所

訪女貞院栢息

惜別衆仙師

懷女貞仙師

讀史感事

挽空門女史嚴氏鑑媛

庚子清明貞山掃墓

登靈巖

栢息女貞院

追悼先慈

破衣

即景

記事

月夜

有懷沈氏皖九

節烈張氏徵詩二首

淮陰侯

范大夫

夢中作

題陳烈女絕命詞後

霞

墓所立碑

歸途風雨驟作幾至覆舟

挽閨友武陵氏

買石

買硯

隱居

題乘槎圖

中暑伏枕緒姪媳日以

茉莉花見貽口占志謝

松筠小草卷之七

嘉定 侯 承恩 孝儀

幻花八咏次韻

雪花

瓊英六出逞丰姿
天半悠颺不自持
梁苑風流曾作賦
謝庭相賞待題詩
冰綃剪就團梅塢
玉絮搓成綴柳枝
奚必三春芳信發
紛紛巧試泣寒時

雨花

和雲和霧掩朝曦
一片飛來漾陸離
帶露溶溶迷

芍藥如珠點點串茶蘼無妨綵蝶尋香去却阻青
蛾拾翠期仙女臨風春冉冉冥濛烟景最相宜

風花

更無踪跡闕芬芳秋肅春溫着處颺似霧欲迷紅
紫色非烟能引綺羅香畫堂暗入梁塵動深院輕
迴枕簟涼贏得人間披拂遍蘭臺不獨近襄王

浪花

層層如雪漾輕鷗雲影湖光一片浮麥隴乍翻如
翠被柳隄閑湧似珠毬兼天細簇蛟龍穩挾雨輕

圓日夜流噴向江心共明月飛來也近鄂君舟

筆花

霜毫燦爛影重重春草池塘夢裡通玉腕餘香朱
點豔金莖浥露粉痕融融錦繡千枝易繚繞烟
雲百卉空應許青蓮同染翰詞垣深處滿林紅

眼花

纏枝帶葉態千般爲紫爲紅簇錦團隨手芳菲攀
不住經時秀色杳難餐神如霧裡凭空現病起風
前拭泪看却笑晨光渾似夜朦朧烟雨徧闌干

心花

根源脉脉巧安排
色相新從方寸栽
但值歡場纔一現
自來愁地不曾開
玲瓏秀出雕虫幻
旖旎香生織錦才
秋水寒山供點染
清明何處染塵埃

鏡花

青菱影裏瑞光融
國色天香在此中
覲面依稀霄漢隔
相憐香渺古今同
千秋佳麗何常定
滿眼妍華揔是空
識得人生原夢幻
擬邀水月照顏紅

擬游金山散步 御製韻

解得心空自伏魔
登臨隨處費吟哦
千層浮玉搖滄海
一派蟠龍穩迅波
怪石竒松天表立
荒陵古塚望中多
留雲亭上重回首
倚檻臨風待嘯歌

虬江秋泛試題代作

勢若虬龍自得名
澄波如練一帆輕
派同襟帶三江峻
澤比恩膏萬里清
隔岬黃花香稻熟
接天紅葉暮雲平
村邨鷄犬占豐歲
擊楫歌呼倍有情
披襟一望足怡情
徹底清來可濯纓
練影平鋪銀色瑩
風帆輕蕩鏡光明
斷雲斜日春申浦
衰柳長

堤白苧城此去蓬壺應有路忘機真欲與鷗盟
金飈蕭瑟嫩寒天霜葉蘆花相映妍四野桔槔欣
脫軸千村禾黍慶豐年汪洋東望通瀛海膏澤西
來鎮練川翹首九重紅日近清光何幸照游船
斜陽返照更清幽月滿篷窓酒滿甌唱晚漁舟依
古岼驚寒雁陣落平疇潮偏有信涓涓溢水不揚
波細細流何日風雲能際會乘槎直到鳳池頭

薄命四首

薄命從來悞殺人淑真腸斷是前身未忘烈火還

全璧只算燻湯少縱鱗撫已深思何至此捫心無
那強爲嘔可憐筋力消磨盡猶冀陽回汭谷春
饑難充口凍無衣愁積如山病不離何必參苓方
足療只須安逸便堪醫咆哮許面時消受狐鼠成
羣事可疑急切未能尸解去覆盆儘爾盡情欺
宗親顧我去匆匆未便從頭訴此衷祇識有家堪
倚玉那知無祿且終風剪雲剉薦籌還易破釜聲
雷勢已窮儘力支吾全不省怒馬強說要痴聾
僻壤沉埋不見春偶當好景轉傷神光陰過客原

容我天地生才得幾人一入樊籠虛此世悞投羅
網竟終身相看誰是知音者猶道清閒勝比隣

卧病

且漫尋方問藥材烟霞痼疾鬱難開恩仇自許捐
生畢貧病偏教相併來意氣全消空罵鬼死心未
泯尚憐才一春只合曹騰睡落盡庭花長綠苔
淹淹欲盡似枯魚瘦徧腰圍賸半祛藥裏茶鐺曾
未足琴床筆架以成虛三泉不倩離魂去一息還
思事了除寓意遙遙天上月可憐人說愛樓居

踈簾不捲綠窓幽紙帳匡床冷似秋一念惜花還
惜月半生多病爲多愁親恩莫報終啣恨詩債難
償只索休可許占爻凶化吉泰來否去老山丘

閏七夕

佳期意外喜無窮鵲又成橋弱水通鸞馭再迎人
似玉鳳梳重挽月如弓良緣向後真難繼造曆今
番不計功祇願年年多此夕針樓兩度快相逢

前題次秉衡兄韻

奕奕天街炫綺羅香車整頓再停梭金針復度挑

新恨烏鵲頻勞駕舊河緹嶺鶴歸佳氣滿鳳樓人
近瑞光多重逢不是尋常事霧帳雲軒緩緩過
幔剪晴霞袂剪羅流光一擲似金梭迎仙快覩針
樓月鳴佩重經織女河格外佳期難再遇秋深好
景比前多兩回巧合誠天幸相慶良宵莫浪過

春夜寄懷陸氏姊

心期相訂在霞箋惆悵銜書雁杳然望眼欲迷寒
夜雨離懷暗逐暮江烟梅花紙帳難同夢芳草春
風各一天未卜何年申舊約挑燈遙憶不成眠

鳳阿叔貽詩索和次韻

閉門曾不破蒼苔植得名花次第開有徑偶因行
藥至無端那許問津來高懷玩世還忘世大度憐
才不忌才靖節清風原好隱儘隨鷗鳥共徘徊
寂寂楊亭閉紫苔問竒客至記曾開和風自繞傳
經座化雨還沾比舍來白雪篇章成絕調青雲事
業重竒才謝庭羣從揮毫健得向文瀾共溯洄

虎丘次韻

虎阜憑高一望賒山塘迢遞最清華綺羅叢裡消

魂處石上笙歌座上花

歡場回首轉堪嗟舊是英雄逞麗華千古興亡渾似夢年年秋月與春花

徘徊曲徑尋芳去雙井欄邊聽法華記得生公曾說法却教頑石悟空花

真娘墓上餘芳草寶劍池空浸月華游憇莫忘名勝地攀崖坐久落松花

題鳳阿山房圖次韻

栖真何必擇山深三徑清幽迥絕倫明月清風消

受足玉堂金馬總紅塵

嬾向朝陽阿閣游丹山安穩小瀛洲著書閉戶龍鱗老林下高風傲五侯

靜愛閒閑歲月長此中何似白雲鄉輞川畫裡堪高寄四壁圖書翰墨香

欲到蓬壺路幾程青丘真境自分明應知夙具烟霞骨踈竹脩桐伴此生

松

天生勁節與誰倫偃蓋長留碧水岑百尺自來推

獨立冰霜不改歲寒心

栢

翠雲如蓋出塵寰拔地參天不可攀桃李比肩霄壤隔仙材只合長仙山

竹

三徑何緣植此君一生清節志凌雲紅塵不染幽閒質蔽日干霄自出群

懷趙氏淑仙

極目天涯一片愁蕭蕭落葉又經秋捲簾怕見雲

中月一事無成萬事休

離愁難訴黯魂消閑倚空庭轉寂寥知道素心相憶否一痕孤月送寒宵

蟲聲啾唧漏聲微形影無聊獨掩扉剪盡孤燈過夜半篋中檢點舊珠璣

分與花箋共訂盟相憐相惜不勝情盈盈咫尺如千里弱水巫山路幾程

欲向仙源覓舊游白雲遮斷碧山頭分明記得來時路芳草迢迢獨倚樓

早秋岩桂滿園開金粟香中仙馭來一別難憑珠
復夢幾回凝望獨徘徊

寄懷太原淑媛

迴廊小閣路透迤鳥語花香半掩扉曾是玉人經
過處莫教輕損綠苔衣

膽餅清供幾枝花花影扶踈簇絳紗記得迴眸曾
一盼縱然飄落也堪誇

堯峯

巍巍峻嶺幾千重曲澗回塘宛轉通一帶石墻聯

古剎竹林東去上堯峯

登崑山

處處齋壇萬壽時悠颺簫管細如絲得來共樂昇
平日携取湖山入小詩

滄浪亭

迴環臺榭俯清溪獨坐蒼茫落日西遠樹遙山連
雉堞更看雙塔與雲齊

輓鳳阿叔

一夜文星墜海濱驚聞消息自含辛芙蓉城裡添

新侶洛社耆英少一人
文推宗匠冠名流忠孝家聲播八陬方擬趨庭問
竒字神游蓬島竟難留

寄懷天水氏淑仙

無聊獨自倚欄干翠袖香消不耐寒望去暗愁瀛
海濶梅花明月與誰看

有感

時光堪嘆疾於梭好景蹉跎柰爾何試問廿年成
底事如山愁恨徧經過

白牡丹次韻

穀雨才過趁豔陽花中第一冠羣芳移來閨苑春
無價種向瑤臺月有香解識清標如對雪劇憐高
潔乍凝妝露囊粉鬢雲兜樣仙格原應貯玉堂
九十春陰尚帶寒層層珠萼粉為欄晶瑩如月光
猶歛錯落成球露未乾拂去濃香籠滿袖攜來傾
國得同看洞天只在水綃畔長對琉璃碧玉盤

赴孫表孀喜席

華堂吉日綺筵開共挹春風次第來小閣登臨疑

閣苑大家景象勝蓬萊笙歌聲徹雲應遏珠翠光
凝香乍迴永夕殷勤酬勸美不禁欲去轉徘徊

有感

憐他子夜自悲歌井底天高不可呼一世含愁噓
浩氣廿年磨劍費工夫斷無鐵臂錐頑石尚剩冰
心貯玉壺造物生才原有意漫將蘭芷當菰蒲

賦得櫓搖背指菊花開

畫槳輕搖別路遲霜天遙見傲霜枝參差綠水踈
籬外掩映丹楓冷露時冉冉寒香空際發亭亭艷

質望中移萍踪好景真難並畧領清標未忍離

先慈見背以來肝摧腸裂無時不血淚滋滋
輒成蕪詞莫報高厚出世入世當以此為殉
苦塊夫離淚不收此生無計解千憂捐軀未必親
重見待死何年痛始休剜肉酬恩原素願盡情食
報總荒丘九泉漠漠高天遠腸斷雲空水自流

又

空花泡影信無常一隔幽明路渺茫踽踽只今誰
顧復斷腸血淚有千行

兄天親亡事事非破巢小鳥更何依胡笳記得文
姬句方寸懸懸痛似饑

肝腸寸裂有誰知強卧匡床淚雨滋人世音容無
處覓泉臺聚首定何時

亦知聚散尋常事死別生離自古然無柰愁腸千
萬縷不分曉夜火來煎

昨夜親曾入夢來九原歿後得生回分明捧着慈
親面悲喜交加淚滿腮

當年髻鬢掌珍如疴瘵纖毫便得知還怕春風秋

露冷慈親隨步把衣持

丁酉三月葬親吳郡貞山之麓淚餘賦此

買得吳山土一坏思親日夕寸腸摧粗安窀穸封
新鬢難卜神明穩夜臺滿目松杉滋涕淚無情猿
鳥亦悲哀幽堂擬樹碑三尺樵牧休教剪伐來

遣懷

萬事於今付子虛何時却把好懷舒一年花信春
將暮半世光陰病未除不愛繁華休入夢但能清
靜便攤書青緗世業家風在手澤猶存樂自餘

贈別孫氏姊隨任秦中集唐句

澹泊供需不在求秦中自古帝王州行隨香輦登

仙路玉帳牙旗得上游

高 杜 駢 甫

沈 期

李 隱

清明掃墓

展墓吳山早掛蓬終天悲痛香難窮望來形影心
常切攀得松楸露乍融點點淚如寒食雨飄飄魂
斷絲錢風一立差穩親安否覲面依稀在夢中

孀母吳孺人八十

婺星奕奕玉樞傍壽域初開王母觴忠孝家聲推

右族詩書世澤更流芳躬持節儉留閨範性稟賢
明在義方五福駢臻春滿室膝前麟鳳自增光

開箱

偶開箱篋莫相疑一、從頭檢細微淚漬春衫非
舊樣看來還是嫁時衣

已亥清明掃墓途次相阻不能即達舟中遣

悶

信宿淹留客路旁天時人事兩相妨鄉心已共燈
花落愁緒真隨春水長待得晴明終有日擬寬懷

抱更無方九原何處能承奉曲曲迴腸淚萬行

三月三日始達墓所

悠悠生死兩無踪三尺孤墳在望中歲歲斷腸寒
食候紙錢燒盡淚添紅

人生到此恨何窮千載長眠一徑封痛殺青山埋
白骨摩娑記取墓前松

訪女貞院栖息

遙指仙源紫石頭碧桃花下暫維舟白雲冉冉封
岩壑一徑幽閑許我留

惜別衆仙師

浹日綿綿雨未休山扉天假得相留幾回欲去還
難去不覺臨歧動別愁

話別依依日易西廿年塵事嘆雲泥扁舟一葉隨
流水回首仙源路已迷

懷女貞仙師

跋涉經旬敢自辭更傷神處費尋思風狂雨驟來
時路月白花香別後詩憐我多愁頻慰藉憶君有
夢賴扶持何當回首天涯隔一日平添兩鬢絲

讀史感事

渭水滔滔西復東古今誰個是英雄
閒來縱目搜圖史歷代興亡一覽中
何須刻意苦爭雄盡處還宜畧轉蓬
天運循環非一定原來強弱總成空

挽空門女史嚴氏鑑媛

秋風黃葉滿空林腸斷哀猿不忍論
謝却紅塵飯淨土月明何處弔清魂

玉碎珠沉最慘淒海棠花落杜鵑啼
知伊仍上瑤

臺去不向人間歎路迷

庚子清明貞山掃墓南蔭叔以詩贈行次韻

奉謝

杏花零落柳成絲淚溢春潮夜雨時
腸斷扶輦從此過三年跋涉路遲遲

登靈巖

踪跡靈巖第四回那堪人意逐年頽
非關風景愁中換自惜時光暗裡催
懷古情深空下淚思親腸斷已成灰
憑高指點經行處洗硯池邊記落梅

栖息女貞院

閒雲出岫鳥辭巢來就蒲團試解條已向空王求
淨土還尋清課讀離騷枕流漱石閑中味服氣餐
霞冷處迤明月一林山徑遠虛窓寂寂聽松濤
安居物外足逍遙飽看烟巒更聽潮白袷青衫應
有分紫霞碧霧任相邀心當靜處風塵遠事到忘
時恩怨消已向仙源尋解脫不須踪跡問漁樵

追悼先慈

音容如在總帷邊寒暑頻更又幾年辛苦欲憑慈

母告夢中還認是生前

每薦時新黯自傷淚痕稠疊漬衣裳藥將魚菽尋
枵糲知否泉臺試一嘗

破衣

舊縫悲脫線緇色積塵埃欲棄還思省先慈手自
裁

即景

朔風敲破壁寒月滿空庭落葉蕭蕭響愁人不耐
聽

記事

隔年無積粟載道有饑民此日難聞見躊躇獨愴
神

月夜

月明潮信溢風靜夜烏啼萬井荒烟鎖遙邨白露
迷

有懷沈氏晚九

燈花昨夜為誰紅握手還嗟事又空芳訊縱教沉
海底相思不分隔江東年年春色愁中過日日風

光夢裡同良會尚遙時易邁萍踪何計聚仙宮

節烈張氏徵詩

卓哉張烈婦世俗鮮其比于歸正少年雍雍偕伉
儷上孝於翁姑婦德靡不備相莊甫歲餘良人忽
捐棄栢舟自矢堅冰霜凜彌勵詎操同室戈勢欲
鋤其志隱忍無片言慷慨了身事遍束嫁時衣命
畢羅幃裡生不愧蒼旻沒當傳青史

又

一從破鏡泣離鸞秋月春花不再看矢志亦知之

苑易餘生還是事親難
哀猿夜嘯驚魂斷
獨雁悲鳴血淚殘
千古芳標誰得並
褒綸應已下長安

淮陰侯

跨下橋邊志未伸
此時誰解惜王孫
英雄自有凌雲志
一飯千金說報恩

范大夫

功成身退老田園
誰似鴟夷識變遷
患難可同安
不可五湖風月浩無邊

夢中作

淒切悲秋日寒蛩
逼夜長半生終是夢
一覺未逢場人世
驚難定天花散後香
不愁無所着回首白雲鄉

題陳烈女絕命詞後

千秋冰鑑仰遺規
看到傷心淚欲垂
本爲網常全大節
敢辭一劍盡蛾眉

霞

誰濯西川錦從看天際
裁光能分五色彩欲映三
台縷接明河近蒸隨返照
來漫同孤鷺散挹取到

深盃

墓所立碣鐫志銘於上有謂閒事不必者因
成

風木悲來不自由封崇豈是杞人憂欲將文字承
先志敢謂音容隔九幽身後固知難預料眼前任
我且營謀憑君莫笑真閒事三尺殘碑千古愁

歸途風雨驟作幾至覆舟

一江汹湧帶歸程蕩漾孤舟似葉輕紅淚白雲迷
近遠風姨颺母任縱橫絲綸錫類嗟難必琰琬垂

名幸已成敢向蒼旻怨淪溺微軀久矣厭餘生

挽閨友武陵氏

十年兩幸接芳塵占斷人間第一春剪燭談心調
綠綺緣隄把袂踏花茵含情不語貽香枕極意憐
才詠洛神誰道等閒成久別此生何處更相親

買石

欲綴園亭似畫圖攜來巧石費工夫小山築處添
嵐翠不是堯峯便太湖

買硯

紫玉如環歷歲年
購來莫問許多錢
筆花冉冉從茲出
冷淡生涯是硯田

隱居

辟疆重整避人寰
小閣迴廊碧水灣
松徑只留予鶴駐
山蹊常迓白雲還
琴書以外無他好
花草隨時任意刪
從此數椽堪結隱
世間何事復相關

題乘槎圖

蒼海茫茫難具悉
乘槎有客欲徧歷
飄飄疑泛沙棠舟
迅速如飛神莫測
洪濤巨浪水接天
探竒發

奧無阻隔龍宮拾
取領下珠仙居定
請藍橋驛烟波繚
繞擁蓬萊御風一
瞬登仙籍青鸞白
鶴幾迴翔西望瑤
池渾可即紅霞爲
障霧爲衣恣吸水
挑與雲液此中一
住一千年更少塵
想關休戚渺矣乾
坤是草廬悟矣流
光猶過客華胥夢
裏盡浮生却羨攸
然長自適張騫曾
到斗牛邊至今尚
剩支機石

賦得西樓望月幾回圓懷繼父母

西樓望月幾回圓
長自臨風思黯然
前度柳眉初

染黛新來雁字又粘天心隨皓月常相照情比春
蚕着處牽極目雲山無健翮好音何日寄吟邊

中暑伏枕承緒王姪媳顏日以茉莉見貽聞
香病愈口占志謝

珍重瓊葩伴阿嬌曉粧簪近翠雲翹貽來枕上親
顏色細裛清香暑漸消



